



# **Bukwashi Bwa Mwiilu**

**Bibungibwe na  
Watson Goodman**

**Nyi Mbuntu —  
Tanupananga ku makuta**

**“BUKWASHI BWA MWIILU”** nyi nkisaka kya mabose a bifundwe abungilwe mu kano kabuku bikimbibwe mu Mukanda w’Efile Mukulu. Nakumina’shi misambo ikilekile buwa ifundwe i mwibuku dy’Efile Mukulu dinamene.

Mwanda w’Efile Mukulu aufiki mwiilu na awiuku binyibinyi kukwasha mashimba a be na nsala na be na nyota ya kululama. Su muntu elanga, alekye milwisho na kwitamina Nfumwetu Yesu Kidishitu kushala mwishimba dye na kukumina mwishimba dye dyoso mwi Nfumwetu Yesu Kidishitu bu Mupashi, Nfumwetu akabombela mwadi na akamupa mulo na kufukama mwishimba dye. Nadi mukumine mu kipwa kya 1937, nadi na kino kilombeno kibuwa na Nfumwetu kubanga mu kyakya kipwa mpaa na lelo. Nenukankamika kwiisha kwadi bu Mupashi enu na Nfumwenu **BINOINO** su tanubadi bebikite kala.

—Ami Watson Goodman (1920-2002)

# KIFULO KY'EFILE MUKULU

1

**Yelemia 31:3**

**Yehowa bamwekyele kwandji kala bakwile'shi: Nyi mukukumine na kifulo kya ikalaika, byabya nakyebe kulesha lusa lwande lwibuwa.**

**Kibafumbwilwe 1:5**

**Na Yesu Kidishitu, kamonyi ka kishima, Mwana mbedi, kwamba'shi akwibedi kusangulwa ku bafwe, Nfumu a banfumu ba pa nsenga, benuleshe bumuntu na kwinupa kufukama namu. E n'etu kifulo, betufungwishe ku milwisho yetu ku mase e namwinyi abapongolokyele.**

**Yoano 3:16**

**Mwanda Efile Mukulu baki-shekishe kifulo na ba pano pa nsenga bebapeele Mwan'e umune eleka'shi ese akumiina mwadi'e takalwila ooo, akekala na muwa wa ikalaika.**

**Yoano 13:1**

**Binyibyabya kwibedi kw'efuku dya kusepeela kutentekyesha lukilo, Yesu badi bapu kushingula'shi nsa yande ya kukatuka pa nsenga kwenda kwi Yaya ibalombana. Byabya badi na kifulo na be abadi pa nsenga, bebafule kifulo mpaa na kunfudilo.**

## **2 BWIFILE MUKULU BWA YESU KIDISHITU**

**Mateo 1:22-23**

**Byoso byabya bibakitshikile pa mwanda wa kukumbasha byabya bibakwile Mwanana kwi mutemuki'shi : Mwana mukashi sheukile mulume akemita, akatanda mwana mulume abakamwitamina eshina dye bu Emanwele (kupatula nyi nkwamba'shi : Efile Mukulu e n'etu.)**

**Yoano 1:1 na 14**

**Kwibedi kw'Efile Mukulu kupanga bintu byoso Mwanda ubadi kwanka, Mwanda ubadi n'Efile Mukulu, winyi Mwanda ubadi E-**

**file Mukulu namwinyi. . . .Mwanda ubalulukile taudi muntu, bashalele munkatshi mwetu badi muule na bumuntu na byabinyibinyi.**

**1 Timote 3:16**

**Kinyi kifibwe kya lukumino lwetu nkikata, kishi kya muntu kwela nakyu mpaka! Bamwekyele na mbidi ya bu muntu, baleshibwe bu mululame kwi kikudi, bamwikeilu abamumwene, balungwilwe munkatshi mwa miilo, badi mukuminwe pano pa nsenga batambwilwe mwiilu.**

## 1 Yoano 4:15

Su muntu akula'shi Yesu nyi Mwan' Efile Mukulu, Efile Mukulu abombela mwadi, e namu abombela mwifile Mukulu.

## Esaya 9:6

Mwanda abetutandjila mwana abetupa mwana mulume, bukome abukekale p'epampa dye, abakamudika eshina'shi Mukanyishi sha kinangu, Efile Mukulu a bukome, Yaya aikalaika Nfumu a kufukama.

## Mateo 17:5

Pabadi kyakula byabya, eku- mbi adipenyapenya dibebabwiki- le, mwamwa mwikumbi mubatu-

kile eyi'shi: Unou nyi Mwan'a- nde mufudibwe kifulo, mwadi'e nyi na musanku ukata. Numupu- shishe!

## Bena Kolose 2:9

Mwanda mu mbidi ya Kidishi- tu ya bumuntu amubombela bu- shima boso bw'Efile Mukulu.

## Luka 1:35

Mwikeilu bamwalulwile'shi : Kikudi-E-Selelee akafiki podi na bukome bw'Efile Mukulu mukile a mwiilu abukakubwikila mutaa- la. Pa wawa mwanda uno mwana mupatulwe a kishila aketaminyi- bwa bu Mwan' Efile Mukulu.

**YESU ETULUNGULA'SHI : AMI NYI****Yoano 8:58**

**Yesu bebalulwile'shi : Nenu-  
lungula binyibinyi'shi : Kwibedi  
kwa Abalahama kutandjikwa  
"Nyi kwanka".**

**Yoano 10:7**

**Yesu bakwile dimo'shi : Nenu-  
lungula binyibinyi'shi ami nyi ki-  
bi kya kibelo kya lupopo lwa  
mikoko.**

**Yoano 11:25**

**Yesu bamulungwile'shi : Ami  
nyi lusangukilo na muwa. Yawa  
akumina mwandji akekala na mu-  
wa sunga e bafu.**

**Yoano 13:13**

**Anunyitamina bu Mulambuki-  
shi na bu Mwanana, byabya anu-**

**kitshi kalolo pa kunyitamina bya-  
bya, mwanda byabya namu nyi  
byandji.**

**Yoano 9:5**

**Pa nki pano pa nsenga, nyi eta-  
ta dya ba pano pa nsenga.**

**Yoano 8:23**

**Yesu bebalulwile'shi : Anwe  
nwi ba pa nsenga, anka ami nyi  
a mwiilu. Nwi bantu ba pano pa  
nsenga, anka ami nki muntu a pa  
ino nsenga ooo.**

**Yoano 6:35**

**Yesu bebalungwile'shi : Ami  
nyi mukate wa muwa. Yawa ese  
afiki kwandji takekala na nsala  
na yawa akumina mwandji take-  
kala na nyota ooo.**

# **BINGI BILENGYELESHI BIBAKITSHINE YESU 5**

**Luka 5:5-6**

**Shimone bakwile'shi : Mula-  
mbukishi, tubata bufuku bushima  
kushi kukwata kintu. Anka bibo-  
ndungula'shi kita byabya nanka-  
lusha makondja dimo mu mema.  
Abelele makondja abo mu mema  
abakwatshile mishipa ibungi bwi-  
moo mpaa na makondja ababa-  
ngile kutshibika.**

**Mateo 14:19-21**

**Kunyima balungwile bantu  
byabadya kushala. Kumongo ba-  
tshile yaya mitanda ya mukate  
itano na mishipa ibidi, batadile  
meso mwiilu, batumbwile Efile  
Mukulu. Batshokwele mukate,**

**beupele balondji, balondji namu  
ababile kwi kibumbu. Boso aba-  
dile baikuta. Balondji abakong-  
wele biseele ekumi na bibidi biu-  
le bya bifingifingi bibasheele. Ba-  
ba abadile abadi bungi bwa bana  
balume binunu bitano kushi ku-  
badika bakashi na bana.**

**Mateo 20:30 na 34**

**Kubadi bampofu babidi basha-  
le ku bukunkula bweshinda pa-  
bapushishe'shi nyi ng'Yesu akidi,  
ababangile kwela musase'shi :  
Mwanana, Mwana a Dafidi, etu-  
fwile namu lusa! . . . . Yesu be-  
bafwidile lusa, bakumine meso a-  
bo, kapindji naka meso abo aba-  
mwene, abalondele Yesu.**

## **6 YESU KIDISHITU E NYI MUPANGI NA BU NFUMU**

### **Bena Ebelu 1:2**

Anka mu ano mafuku anfundilo esamba netu mu Mwan'e. Efile Mukulu bapangile n'e bintu byoso namu, e nyi winyi basangwiwe kw'Efile Mukulu'shi akekala sha byoso.

### **Yoano 1:3**

Kwadi'e nyi kubapangile Efile Mukulu bintu byoso, takwi kintu sunga nkimune ku byoso bi pana kishii kipangibwe n'e.

### **Bena Kolose 1:16**

Mwanda kwadi'e Efile Mukulu bapangile byoso bi mwiilu na bi pano pa nsenga, abimweka na bi-

shabimweka na bukome bwa bikudi na batontshi na abamunana na basha matalwa. Efile Mukulu bapangile byoso kwadi'e, na pa mwanda we.

### **Bikitshino 2:36**

Binyibyabya boso bena Isalele beukye binyibinyi'shi winyi uno Yesu anubabambile pa nkulusu, Efile Mukulu bamutuule bu Nfumu na bu Mesiya.

### **1 Kodinda 1:9**

Efile Mukulu e na kishima mu milailo ye. Winyi Efile Mukulu benwitamine byanudya kwikala mu bu umune na Mwan'e Yesu Kidishitu Nfumwetu.

**Bena Loma 14:10**

Anka obe mwanda kinyi otshibila mukwenu kimu? Na mwanda kinyi wobendela mukwenu? Atwe boso atukelubula kumpala kw'Efile Mukulu mwanda wa kutshibilwa kimu kwadi'e.

**Mateo 25:32**

Miilo yoso ya pa nsenga aikebungila kumpala kwe, akalamuna bantu palapala pamune bu mulami alamuna mikoko kwi mbushi.

**2 Timote 4:1**

Byabya nakukamika n'eshimba dyoso kumpala kw'Efile Mukulu na kumpala kwa Yesu Kidishitu, yawa akatshibi bimu

bya abatala na bya bafwe, nakukamika pa mwanda wa kufika kwe na pa mwanda wa Bufumu bwe.

**Bikitshino 10:42**

E betukamikile kulungula bantu na kwibashinkamisha'shi Yesu nabene basangwilwe n'Efile Mukulu bu nsushi a abatala na bafwe.

**Bena Loma 2:16**

Muile Mukandu Wibuwa wa nkwete kulambukisha nyi anka byabya'shi pa dyady'efuku apakatshibilwa bantu kimu kw'Efile Mukulu mu Yesu Kidishitu, pa dyady'efuku nangunangu ya bantu ifwame aikatshibilwa kimu.

## **8 BUKUDI ABUTUKU ANKA KWI KIDISHITU**

**Yoano 10:9**

Ami nyi kibi, yawa atwelela pandji akapashibwa, akatwele na kutuka na kusañana bya kudya.

**Yoano 14:6**

Yesu bamwalulwile'shi: Ami nyi dinyi eshinda, nyi byabinyibinyi, nyi muwa. Takwi muntu euku kwenda kwi Yaya kwashabandjile kufika kwandji'mi.

**Yoano 8:24**

Nyi pa wawa mwanda unenu-lungwile'shi anukafwila mu mi-lwisho yenu. Anukafwila mu mi-lwisho yenu su tanwibakumine'shi nyi ank'e.

**Bena Ebelu 5:9**

E, pakupwa kukumbashidilwa, bekele bu nsulo ya kipandjilo kya ikalaika kwi baba bosu abamukokyela.

**Bena Ebelu 7:25**

Pa wawa mwanda e euku kupasha binobino na ikalaika, baba abefubwila kwIfile Mukulu p'eshina dye, mwanda e kwanka ikalaika, atala mwanda wa kwibatekyela kwIfile Mukulu.

**Bikitshino 4:12**

Kipandjilo taki kwi mungi muntu, takwi dingi eshina dipebwe munkatshi mwa bantu dipwandjile kwitupasha ooo.

**1 Kodinda 1:30**

E nyi nsulo ya muwa wenu mu Yesu Kidishitu, winyi abaturudile kwIfile Mukulu bu binangu byetu na kululama kwetu na bu-selele bwetu na bukudi bwetu.

**Bena Kolose 1:12-14**

Tumbulai Yaya na kusangala, betwikasha bu balombene ba kwikala na kipindji ku bya bupeta bilamibwe n'Efife Mukulu mu bufumu bw'etata pa mwanda wa bantu be. Betulamuna ku mata-lwa mufito, betutwasha ku bufumu bwa Mwana e a kifulo. Mwa-di'e twi na bukudi na kulekyelwa kwa milwisho.

**Tite 2:14**

Bepeene e namwinyi pa mwanda wetu, pa mwanda wa kwitufungusha ku bubi boso na kwitwikasha bu mwilo utoshibwe na kwikala bu bantu be namwinyi ba kwikala na kinsukunsuku kya kulombasha mifubo ibuwa.

**Kibafumbwilwe 5:9**

Abadi bakwete kuimba lono lupya'shi : We mulombene kwata ebuku na kulamuuna bitampi. Mwanda boipailwe bu mulambu wa kitapilo na ku mase obe abasumbukile, bokudiile kwIfife Mukulu bantu ba ku bisamba byoso na ku ndjimi yoso, na ku bisaka byoso na ku mwilo woso.

# 10 KILOMBENO KYA MASE A KIDISHITU

## 1 Yoano 1:7

Anka su atatambuka mwitata, bu bfile Mukulu nabene e mwitata, byabya twi na kipwano munkatshi mwetu, na mase a Yesu, Mwan'e aetutoshia ku milwisho yoso.

## 1 Mpiele 1:18-19

Binyibinyi, anwiuku bi mulo ubafutshilwe pa mwanda wa kwinuposha ku bipaso bya bisumanga byanubambwile kwi bankambwa benu. Wenu mulo tau-badi ufutshibwe na bintu abishimishaa kinemo kyabyo pamune bu bilonda bya nfeda na bilonda bya nsahabu, ooo, anka nwibaposodibwe pa mwanda wa mase

aneme a Kidishitu, yawa badi pamune bu mwana a mukoko shi na kilema sunga ebashi.

## Bena Ebelu 9:14

Su byabya bibuwa, mase a Kidishitu akakidi buwa misusa inga! Ku kikudi kya ikalaika belambwile e nabene kwifile Mukulu bu mulambu ulombanyinyine. Mase e akatosha nangunangu yetu ya ku mifubo ya bisumanga, byatudya kufubila Efile Mukulu atala.

## Bena Loma 5:9

Byabya ku mase e twibabingishibwe kumpala kw'Efile Mukulu kukila byabya aketupasha ku nsungu y'Efile Mukulu.

# KIPANDJILO KI PA LUKUMINO MWI KIDISHITU 11

**Bena Loma 5:1**

Twibabingishibwe kumpala kw'Efile Mukulu pa mwanda wa lukumino, byabya binobino twi na kufukama mwi Yesu Kidishitu Nfumwetu.

**Bena Ngalatea 5:6**

Mwanda patudi belungye kwi Kidishitu kusadibwa sunga kuku-twa kusadibwa ta nkintu ooo. Anka lukumino alufubu mu kifulo nyi kintu.

**Yoano 6:28-29**

Byabya abamwipwishe'shi: Tukite kinyi mwanda wa kulombasha mifubo aikyebe Efile Mukulu? Yesu bebalulwile'shi: Mufu-

bo aukyebe Efile Mukulu kwandi anwe nyi nkukumina mwi yawa abatumine.

**1 Yoano 5:4**

Mwanda ese mwana Efile Mukulu akambila byoso bya pano pa nsenga. Nyi mpa lukumino lwetu patukambila bya pano pa nsenga.

**Yoano 20:31**

Anka byabya bimwanka mbifundjibwe pa mwanda wa kwamba'shi okumine'shi Yesu nyi Mesiya, Mwan' Efile Mukulu, byabya pa mwanda wa lwalwa lukumino wekale na muwa mwishina dye.

**Nono ya Milangwilo 103:17**

Anka lusa lukata lwa Yehowa lubabangile ku kibangilo mpaa na kunfudilo kwi baba abamutshinyi, kululama kwe kwi bana ba bana batandjibwe.

**Mika 7:18**

Nanyi e pamune bu Efile Mukulu alekyela ubi? Alekyela miwiso ya bantu be abashele na muwa. E tashala na nsungu mafuku oso mwanda e na mulo wa kulesha bantu lusa lwe.

**Tite 3:5**

Betupashishe, tamwitupashishe pa mwanda wa bikitshino bibuwa byatubakitshine ooo, anka pa mwanda wa lusa lubetufwidile.

Betupashishe pa kwitutumpa mema, kwakwa kutumpibwa nako akwitupa Kikudi-E-Selele kutandjibwa kwa kabidi na muwa upya.

**Nono ya Milangwilo 108:4**

Mwanda wa lusa lobe lukile bukata lufikye mpaa na panundu pa mwiilu na kishima kyobe kya byabinyibinyi kifikye mu makumbi.

**Malo a Yelemia 3:22-23**

Mwanda kifulo kya Yehowa taki na mpwilo ikalaika, na lusa lwe talukutshikwa, alusha pupya ku namashika ku namashika. Kishima kyobe kikile bukata!

# **EFILE MUKULU ETULUNGULA'SHI : FIKAI KWANDJI**

**13**

**Mateo 11:28**

**Fikai kwandji anwe boso bakokye na bita bibushito, nakenu-pa kikisho.**

**Esaya 55:1**

**Pushai, anwe boso be na nyota, fikai ku mema sunga tanwi na nfwalanga, fikai nuule, nudye, oolo fikai nuule nfinyo na mabele kwanushi na nfwalanga kwannushi na kintu.**

**Esaya 1:18**

**Yehowa akula'shi : Fikai tulombashene, sunga milwisho yenu yekala yimonga, aikekala yitoshibwe bu butongo, sunga yekala**

**yimonga pyuu bu mase aikekala itoshibwe bu musakya wa mukoko.**

**Kibafumbwilwe 22:17**

**Kikudi na Mubambi abakula'shi : Fika! Yawa apusha byabya akula namu'shi : Fika! Yawa e na nyota afikye, yawa akyebe mema a muwa eatambule buntu.**

**Yoano 7:37**

**Efuku dya kupudisha kusepela nyi dibadi dikilekile bukata. Mu dyady' efuku, Yesu bebwele kumpala kwa kisaka, belele musase'shi : Su muntu e na nyota, afikye kwandji atome.**

# 14 BANTU BOSO TABE BU BANA B'EFILE MUKULU OOO

## Yoano 1:12

Binyibyabya baba bosu abamutambwile na kumukumina, bebapele matalwa akwikala bana b'Efile Mukulu.

## Bena Loma 8:14-15

Baba bosu abakunkushibwa na Kikudi ky'Efile Mukulu nyi mbanabana b'Efile Mukulu baba. Mwanda kyakya Kikudi kyanudi batambule ta nkikudi kya kwinwalusha ku bupika na kwinwikasha na moo dimo ooo, nyi Kikudi kya kwinwikasha bu bana b'Efile Mukulu na kwitupa byatudya kwela musase kwIfile Mukulu'shi : Yaya!

## 2 Kodinda 6:17-18

Pa wawa mwanda Mwanana akula'shi: Katukai kwabadi nwi-balamunukye. Tanwikalanga na kilombeno sunga nkimune na byabya bibutete. Nakenutambula. Nakekala nshyenu, anukekala bana bande balume na bana bande bakashi. Nyi Mwanana sha bu-kome bosu akula.

## 1 Yoano 3:10

Kwilekena kwa bana b'Efile Mukulu na bana ba Kafilefile akumweka bino patoka'shi yawa shakitshi kululama, sunga shafulu mwin'e kifulo, ta mwana Efile Mukulu ooo.

# EFILE MUKULU ETULUNGULA KINYI PA 15 MWANDA WA MAALWA E BUKOPO

Tukite byoso na kineemo bu bantu be mwitata. Byabya tatwikalanga bu bidiafi, sunga mbu bankodi ba maalwa. Twilamei mu lukyebanokyebano na mu kwipana ku lwabi lwa mbidi. Tulekyei mpaka na kyutu. Anka fwalai muwa upya wi mwi Yesu Kidishitu Mwanana. Tokumina nga kukakibwa na nyikashi ya ku mbidi na kukokyela byaikyebe ooo. — Bena Loma 13:13-14

**Bena Ngalatea 5:19-21**

Byabya bikitshino bya mbidi abimweka patoka, mbino : masandji, myanda yi butete, kwipaana ku ngyabi ya mbidi, kulangwila

kwa mankishi, masende, mushikwa, maunga, kyutu, nsungu, kwisangasha, kwitshibena, na kwikutwena, malaka bunkolwenkolwe, kwikala bu bidiafi, na myanda yi byabya. Nenudimuna binobino anka bu binenudimwine dimo'shi baba abakitshi bino tabakamono Bufumu bw'Efile Mukulu ooo.

**Nkindji 23:31-32**

Totalanga maalwa a nfinyo pa ki amonga, pa ki amekameka, mwikopo na pa ki aende bipela-bipela mu mudibu. Kunfudilo kwao akusumu bu nyoka, akusumu bu nyoka asubu.

Eshinda di kudi dilulame ku meso a muntu, anka kunfudilo kwadyo nyi ndufu.

—Nkindji 16:25

... Mulambukishi, ebuwa, nkite kinyi mwandjya kutambwila muwa wa ikalaika? Yesu bamwambile'shi: Mwanda kinyi onyitamina bu ebuwa? Takwi ebuwa anka Efile Mukulu bupenka bwe. Weuku bishila'shi: Twepanga muntu, tokitanga lusandji, toibanga, todimbilanga mukwenu madimi, twatanga kintu kya muntu ku bulamalama, nemeka nshyobe na nyinobe. Yawa muntu balulwile'shi: Mulambukishi, nalamine byabya bishila byoso kubanga ku bukinga bwande. Ye-

su bamutadile na kifulo, kunyima bamulungwile'shi: Kubakushala anka kintu kimune. Nda okapane byoso byodi nabyo, obile nfwalanga kwi balanda, byabya okelala mpetu mwiilu, kunyima obe ofikye ondonde. Anka yawa muntu pakupusha yaya myanda bashingile, bayile na kwinyongola mwanda badi mpetu mukata.

—Mako 10:17-22

Yesu bamwalulwile'shi: Ofule Mwanana Efile Mukulu obe kifulo n'eshimba dyobe dyoso na muwa obe oso na kikudi kyobe kyoso. Kyakya nyi kishila kineme kikile byoso bukata.

—Mateo 22:37-38

**Shake 1:22**

Tanwidimbanga anwe banabene anka penda kupusha mwanda w'Efile Mukulu ooo, bibuwa kwikala bu bakitshi bao namu.

**1 Yoano 3:7-8**

Bana bande, muntu tenulubishanga ooo! Yawa akitshi myanda ilulame e namwinyi mululame, bu bi Yesu Kidishitu mululame. Yawa akitaa milwisho e muntu a Kafilefile, mwanda Kafilefile balwishishe kubanga ku kibangilo.

**1 Kodinda 6:9-10**

Binyibinyi, anwiuku'shi baba bebubi tabakapyana Bufumu bw'Efile Mukulu ooo. Tanwidi-

mbanga. Basha bukyebaneyebane na balangwidi ba mankishi na basha lusandji, na balume abamono balume nabo bu bakashi, na bakashi abamono bakashi nabo bu balume, sunga mbangifi, na basha malaka, sunga mbankodi, sunga mbankanyi a mulomo, sunga mbanyenganyi tabakamono mbalo mu Bufumu bw'Efile Mukulu ooo.

**Bena Efese 5:6**

Tanudimbibwanga na muntu enulungula myanda ilotakane. Pa mwanda wa ino myanda nyi apakafiki nsungu y'Efile Mukulu pa baba basha bamukokyela.

**Bena Loma 8:6**

Mwanda nangunangu ya mwikelo wa bu muntu aifwisha lufu, anka nangunangu ya kikudi aifwisha muwa na kufukama.

**Bena Loma 5:12**

Binyibyabya pa mwanda wa muntu umune, Adama, milwisho ibatwelele pano pa nsenga na milwisho namu ibafwishishe lufu. Pa mwanda wa byabya, lufu lubafwimi kwi bantu boso mwanda'shi boso abalwishishe.

**Esekyele 18:20**

Muntu alwishaa nyi akafu. Mwana takamweshibwa malwa pa mwanda wa bubi bwa nshy'e,

sunga nshy'e namu pa mwanda wa bubi bwa mwan'e, ooo. Yawa akitaa bya kululama akatshibilwa kimu muile kululama kwe, na yawa namu akitaa bubi akatshibilwa kimu muile bubi bwe.

**Shake 1:15**

Kunyima, lwalwa lwabi lwi-bubi alwimita na alutanda milwisho, na milwisho namu paitama ayitanda lufu.

**Luka 15:32**

Anka twi na mwanda wa kusepela na kwikala na mulo, mwanda mwinobe badi bu mufwe, binobino e na muwa, badi mushimine anka binobino bamweka!

**Kibafumbwilwe 1:18**

**Nyi atala. Nadi mufwe, anka binobino nyi na muwa ikalaika. Nyi na matalwa pa lufu na pa kalunga nyembo.**

**Yoano 11:43-44**

**Kunyima kwa kupwa kwakula byabya bishima, belele musase'shi: Lasala, tuka mwamwa mu mashama! Yawa mufwe batukile, mupombelwe bilamba ku ngwa na ku maboko na kilamba kya-nye kumpala. Yesu bebalungwile'shi: Mwangulei byanka, numulekye atambukye.**

**Yoano 10:17-18**

**Yaya e nami kifulo pa mwanda napana muwa wande byandjya kwiutambula dimo. Takwi muntu akuñata wanka, anka neupana bu amukyebela eshimba dyande. Nyi na matalwa a kwiwata dimo, mwanda'shi byabya nyi bibankamikile Yaya kukita.**

**Luka 7:14-15**

**Binyibyabya baile akuma ku musheto wa kitanda, baba abadi beutwale abaimene. Yesu bakwile'shi: Nsongwalume, nakulungula'shi: buka! Yawa mufwe babukile, ashala, babangile kwakula.**

**Kyelekyesho kya Bishila 5:7-21**

**Twekalanga na tungi tufile pamune'nka nami.**

**Tosenga nkishi sunga kipwandjikisho kya kintu kya mwiilu sunga kintu ki pashi pa nsenga sunga kintu ki mushi mwa mema e mushi mwa nsenga. Twebibandaminanga, twebilangwilinga. . .**

**Totemunanga eshina dya MWANANA, Efile Mukulu obe, butemunetemune mwanda MWANANA takabingisha muntu atemuna eshina dye butemunetemune.**

**Otentekyesha efuku dya lubingo, wedishile, bubibakula MWA-**

**NANA Efile Mukulu obe. Ofube mifubo yobe yoso mafuku asamombo. . . .**

**Onemekye nshy'obe na nyin'obe nyi bibakula MWANANA Efile Mukulu obe, byabya mafuku obe akekala ebungi na okekala na mwabi mu nsenga aikakupa Mwanana, Efile Mukulu obe.**

**Toipaishenanga.**

**Tokitanga lusandji.**

**Toibanga.**

**Todimbilanga mukwenu.**

**Totulanga eshimba dyobe ku mukashi a mukwenu, sunga ku nshibo ya mukwenu, sunga kwifuba dye, sunga kwi mpik'e mu-**

lume, sunga kwi mpik'e mukashi,  
sunga ku ñombe ye, sunga mpu-

nda ye sunga ku kintu kya mu-  
kwenu.

## MUNTU TEUKU KUFWAMA KUMPALA KW'EFILU MUKULU

21

Luka 8:17

Kyakya kyoso kifibwe akika-  
sokolwa patoka na kyakya kyoso  
namu kibwikilwe akikabulwa na  
kutushibwa patoka.

Yobo 34:21-22

Mwanda meso e atala mwishi-  
nda dya muntu dyatambukila,  
amono mutambukilo we oso. Ta-  
kwi mufito, takwi mwesheshe wa  
lufu, kwi bakitshi ba myanda  
ibubi beukye mwabadya kufwa-  
mina.

Nono ya Milangwilo 139:8 na 12

Su nakamina mwiilu, obe we  
kwanka! Su nabundula mu mbalo  
ya bafwe bu mbalo yande ya ku-  
lala, tala, obe we kwanka. Kodi  
takwi mufito, bufuku abutembe  
bu kanya, mufito wi bwitata  
kodi.

Yelemia 23:24

Mwanana aipusha'shi muntu  
mulombene kufwama mu mbalo  
yanshianyiuku kumona su? Mwa-  
nana aipusha'shi: Ntshimuule  
eilu na nsenga nda su?

## 22 MALWA AIKALAIKA A BASHIBAKUMINE

Mateo 13:41-42

Mwanana muntu akatumu bamwikeilu, abakakatusha mu Bufumu bwe baba boso abakitshisha bangi milwisho na kukita bibubi, abakebele mwilungu dya kalo, mwamwa mwinyi abakadidi na kwisuma meno.

Mateo 18:8

Su eyasa dyobe sunga ngwa yobe abikuponesha mu milwisho, tshiba byanka webisumbule kula nobe, mwanda mbikile bibuwa kutwela mu muwa wa binyibinyi na lwa lumune sunga eyasa dimune pe kwikala na masa oso abidi akumbane na ngwa ibidi ikumba-

ne na kwedibwa mu kalo ikalaila.

Nono ya Milangwilo 9:17

Wi nao bantu bebubi ngwa kwenda mu mbalo ya bafwe, binyibinyi boso be mu bisaka bya bantu bashabatshinyi Efile Mukulu moo abakakitshibwa anka byabya.

2 Mpiele 3:7

Anka mayilu na nsenga bi kwanka binobino mbilamibwe na mwanda umune w'Efile Mukulu pa mwanda wa kwibilwisha na kalo. Mbilamibwe mpaa na p'efuku adikatshibilwa bantu bebubi kimu na kwi balwisha.

**2 Mpiele 2:9**

Byabya, Mwanana euku byakupasha baba bamulamate mu kutompibwa na byadya kumweshababa bebubi malwa p'efuku dya kimu.

**1 Yoano 4:17**

Bino nyi abileshe mu balombeshwa kifulo mwatudi, bu byatudyakwikala na kukankamana p'efuku dya kimu, pa mwanda bu byadi nyi byatudi namu pano pa nsenga.

**2 Kodinda 5:10**

Mwanda twi na mwanda wakukamweka kumpala kwa Kidi-shitu mu kutshibilwa kimu, bya-

tudya kutambula ku muntu esekyakya kimulombene mupunda byabya bibakitshine, su mbibuwa, su mbibubi pabadi mu mbidiye.

**Ebelu 9:27**

Binyibyabya muntu ese batshibilwe'shi afwe mususa umune, kunyima kwa byabya atshibilwe kimu n'Efile Mukulu.

**Bikitshino 17:31**

Mwanda bapu kusangula efuku dya kutshibila ba pano pa nsengakimu mu kululama kwi yawa muntu umune abasangwile. Winyi uno muntu Efile Mukulu bapukumulesha patoka kwi bantu boso e pa kumubusha ku bafwe!

**2 Kodinda 9:15**

Tutumbulei Efile Mukulu pa mwanda wa kya buntu kye kishi mwa kupwandjikisha.

**Bikitshino 4:33**

Byabya batumibwa boso abadi na bukome bukata bwa kulungula bu tumonyi two lusangukilo lwa Nfumwetu Yesu. Efile Mukulu namu bebapongolwele mwa-bi ukata.

**Loma 5:15**

Anka bumuntu bw'Efile Mukulu na kusola kwa Adama mbi-lekene. Binyibinyi, kusola kwa yawa muntu umune kubafishishe lufu kwi bantu bebungi, nyi anka byabya namu bumuntu

bw'Efile Mukulu mbukishekishe bukata pa mwanda wa kya buntu kye, yawa muntu umune Yesu Kidishitu, na buntu bukile bukata bw'Efile Mukulu bubapebwa bisumanga kwi bantu bebungi.

**2 Kodinda 8:9**

Mwanda anwiuku bumuntu bwa Nfumwetu Yesu. E badi mpeta, bealulwile bu mulanda pa mwanda wenu, mwanda wa kwinkwika anwe bu bampeta ku bulanda bwe.

**Loma 9:16**

Byabya kwinyi kusangula takulondo byabikyebe muntu sunga mbyakitshi ooo, akulondo anka lusa lw'Efile Mukulu.

**Luka 13:3**

Ayoyo, nenulungula'shi su tanwilanga anwe namu anukafu pamune anka bu'bo.

**Bikitshino 3:19-20**

Binyibyabya elangyei nwalulukye kwi Efile Mukulu, byabya milwisho yenu ishimangishwe. Byabya Mwanana akenufwishisha kipindji kya kwikisha mu mashimba.

**2 Kodinda 7:10**

Mwanda kwakwa kwinyongola akufubishwa n'Efile Mukulu akufwisha kwilanga kwishimba akukunkwishaa muntu ku kipandjilo. Takwi mwanda wa kumona kwakwa kwinyongola bu kintu! Anka

kwinyongola kwa pa nsenga akufwisha lufu.

**Bikitshino 2:38**

Mpiele bebalungwile'shi: Elangyei mu mashimba, nubatshishibwe anwe boso mwishina dya Yesu Kidishitu, pa mwanda wa kulekyelwa kwa milwisho. Byabya anukatambula Kikudi-E-Selele bu kya buntu ky'Efile Mukulu.

**Bikitshino 17:30**

Kyakya kipindji kibadi bantu mba patamine, Efile Mukulu tekibadikaa ooo, anka binobino akamika kwi bantu boso ba mu mbalo yoso'shi belangye.

**Kibafumbwilwe 3:20**

Pusha ngiu nyi mwimane ku kibelo nkwele kututula. Su muntu apusha eyi dyande anshitwila, nakatwele mwe, nakadi n'e, e namu akadi nami.

**Esaya 55:7**

Muntu ebubi alekye kwenda mwishinda dye dibubi, yawa shimulumbulukye alekye mitentekyesho ye yibubi, alukile kwi Mwanana, n'e akamufwila lusa, na kwi Efile Mukulu etu mwand'e akakidi kumulekyela milwisho ye.

**Bikitshino 5:31**

Efile Mukulu bamukamishe ku mboko ye ibalume bu kimanki-

nda na bu Mupashi pa mwanda wa kupa bena Isalele kwilanga mu mashimba na kulekyelwa kwa milwisho.

**Mako 2:5**

Binyibyabya Yesu pa kumona lukumino lwabo, bakwile kwi yawa kishetshi'shi: A mwana ande, milwisho yobe ibakulekyelwa.

**Esekyele 18:21**

Anka apakalekye muntu ebubi myanda ye yibubi yabadi akitshi pakakokyela milangilo yande yoso na kukita myanda yilulame yibuwa, akekala na muwa binyibinyi, takafu nya.

**Efese 5:11**

Tanwikalanga na kipwano sunga nkipelapela na baba abakitshi myanda ya bisumanga ya mu mufito, tulai myanda yabo patoka.

**1 Yoano 2:15-16**

Tanwikalanga na pano pa nsenga kifulo, sunga bintu bya pano pa nsenga. Su muntu e na bya pano pa nsenga kifulo, byabya te na Yaya kifulo, ooo. Byabya bintu byoso bya pano pa nsenga, bu lwabi lwibubi lwa mbidi, lwabi lwa kwikala na kintu kyoso akimonwa na meso na kwinemeka akutuku ku byoso bya pano

pa nsenga, byoso byabya tambya kwi Yaya, ooo, nyi mbya pano pa nsenga.

**Esaya 1:16**

Nwitumpe anwe banabene, nwilumbule, nukashe bikitshino byenu bibubi kumpala kwande, nulekye kukita myanda yibubi.

**Tite 2:11-12**

Mwanda Efile Mukulu bafumbwile bumuntu bwe pa mwanda wa kipandjilo kya bantu boso. Buno bumuntu abwitulambukisha bya kupela mwikelo wibubi na ku lwabi lwa bya pa nsenga, byatudya kwikala pano pa nsenga na muwa wibuwa ululame na kishima kw'Efile Mukulu.

**Esekyele 36:26**

Nankenupa eshimba dipya dimonyi, nankatulu kikudi kipya munda mwenu, nankakasha eshimba dibwibwe munda mwenu nankenupa eshimba dya bumuntu.

**2 Kodinda 5:17**

Muntu pa kwikala bu umune na Kidishitu tadi bu kipangwa kipya. Bintu byoso bya kala bibashiminyinyina, bintu bipya bibamweka.

**Yoano 3:3**

Yesu bamwalulwile'shi: Kino kyankulungula nkya binyibinyi.

Muntu teuku kumona Bufumu bw'Efile Mukulu su tamutandjibwe dyakabidi.

**1 Mpiele 1:23**

Mwanda nwibatandjibwe dyakabidi, tanku lubyo lwa pano pa nsenga alufwiyaa ooo, anka ku lubyo lushalufwiyaa na ku wawa mwanda w'Efile Mukulu autala wa ikalaika.

**1 Yoano 5:18**

Atwiuku'shi takwi mwana Efile Mukulu sunga ngumune akuyididila na kulwisha, mwanda Mwan' Efile Mukulu amulama na yawa Mubi teuku kumukita kintu.

# KUFWA KU MILWISHO — KUSANGUKA MWI KIDISHITU

29

**Ngalatea 5:24**

Byabya baba namu ba nKidishitu abapu kwipaa mbidi yabo na byailakila na byaikyebe.

**1 Mpiele 2:24**

Kidishitu namwinyi batwadile milwisho yetu mu mbidi ye pa mutshi wa nkulusu, byatudya kwikala bu bafwe ku milwisho na kwikala na muwa ululame. Nyi nkubitapwanga bye kwanudi bapashibwe.

**Efese 2:1 na 6**

Kala nubadi bu bafwe pa mwanda wa bilema na milwisho. . . Mu bumune bwetu na Kidishitu

Yesu, Efile Mukulu mwitusangu-she pamune na winyi Kidishitu byatudya kumunana n'e mwiilu.

**Loma 6:2 na 11**

Atwe twi bafwe ku milwisho abyabya atushadidila mu milwisho bikunyi? . . . Anwe namu nwikale anunangushena'shi nwi bu bafwe ku milwisho, anka kw'Efile Mukulu nwi bu abatala mwi Yesu Kidishitu.

**Kolose 3:1**

Nubapu kusanguka na muwa na Kidishitu. Byabya, nute mashimb'enu ku yaya myanda ya mwiilu, mushale Kidishitu ku mboko ibalume y'Efile Mukulu.

**Yoano 17:3**

Muwa wa ikalaika nyi mbi-no'shi bantu bakwiukye, obe Efile Mukulu umune a binyibinyi, beukye namu yawa Yesu Kidishi-tu obotumine.

**Ngalatea 6:8**

Su bakunu byabya abisangasha ngabi ya mwikeelo we wa bu muntu, byabya akaumbula lufu, anka su bakunu byabya abisangasha Kikudi-E-Selele, akau- mbula muwa wa ikalaika aupe- bwa na Kikudi.

**Yoano 3:14-15**

Anka pamune bu mubaimikile Moise nyoka pa mutshi mu ka- baka, Mwana a muntu namu wa-

di nao ngwa kukemikibwa bya- bya'shi ese muntu akumina mwa- di e akekala na muwa wa ika- laika.

**Yoano 3:36**

Yawa akumina Mwana e na muwa ikalaika, yawa abindwila Mwana takekala na uno muwa, anka nsungu y'Efile Mukulu ai- kekala padi mafuk'oso.

**Yoano 5:24**

Nenulungula binyibinyi'shi : ya- wa apusha myanda yande na ku- kumina mwi yawa bantumine, e na muwa wa ikalaika. Takapishi- bwa ooo, bapu kukatuka ku lufu tadi na muwa.

**Ngalatea 4:6**

Efile Mukulu batumine Kikudi kya Mwana e mu mashimba etu pa mwanda wa kushinkamisha'shi nwi bana be, Kikudi akyele musase'shi: "Yaya!"

**Yoano 14:21**

Yawa ese alama milangilo yande nakwiyikokyela, yawa nyi e nami kifulo. Yaya akafulu yawa e nami kifulo, byabya ami namu nakekala n'e kifulo, nakamweka kwadi.

**1 Yoano 3:18-19**

Bana bande, tambipwandjikile kifulo kyetu kikale anka penda mu misambo na mu bishima bibuwa ooo, nkipwandjikile'shi ki-

fulo kya binyibinyi kikale namu akimweka mu bikitshino. Nyi mu kino kipaso kyatukeuku'shi twi bantu ba bya binyibinyi. Nyi mu kino kipaso kyatumona'shi mashimb' etu taena myalasheno kumpala kw'Efile Mukulu.

**1 Yoano 4:13**

Atwiuku'shi atubombela mwi Efile Mukulu n'e namu abombela mwatudi, mwanda betupele Kikudi kye.

**Esaya 32:17**

Kikuba kibuwa kupa kwakyo akwikala kufukame, myanda ayilondo buwa ayikala ifukame na lukulupilo lwa ikalaika.

## Yoano 17:13

Anka binobino nafiki kwakwa kodi, nakula bino pa nki pano pa nsenga, mwanda wa kwamba'shi bekale na mulo wande munda mwabo mulo ulombanyinyine.

## Loma 14:17

Mwanda Bufumu bw'Efile Mukulu tabwi mu bidibwa sunga mu bitomwanga ooo, bwi mu kululama na mu kufukama na mu mulo wa Kikudi-E-Selele.

## Ngalatea 2:20

Naipailwe na Kidishitu pa nkulusu, byabya, binobino ta nami e na muwa, nyi Kidishitu e

munda mwande e na muwa. Uno muwa wa bu muntu wandji nao binobino, neumono anka pa lukumino mu Mwan' Efile Mukulu, winyi banfudile kifulo na kupana muwa we pa mwanda wande.

## Yoano 15:11

Nenulungula byabya mwanda wa kwamba'shi mulo wande wikale mwanudi na mulo wenu wikale ulombane.

## Nono ya Milangwilo 16:11

Nobe okandesha eshinda dya muwa. Mulo ukata autuku pepi n'obe byakusepela bi mwiasa dyobe dibalume ikalaika.

**Loma 6:16**

Tanwibeukye'shi pa kwipana mu kwikala mpika a muntu nyi nkwamba' shi we mpika a yawa okokyela, su nku milwisho, akufisha muntu ku lufu, su nku kukokyela akukafisha muntu mu kululama kumpala kw'Efile Mukulu.

**2 Tesalonike 1:7-9**

Akenupa anwe abafwambuka kikisho mpaa natwe namu. Akakitshi byabya apakamweka Mwanana Yesu mwiilu na bamwikeilu be ba bukome bukata, mu ndjimi ya kalo, pa mwanda wa kumweshabasha baba basha beuku Efile Mu-

kulu malwa na baba basha bakokyela Mukandu Wibuwa na Nfumwetu Yesu. Abakamweshibwa malwa a kulwishibwa kwa ikalaila. Abakekala kula na Mwanana na kula'nyi na ntumbo ya bukome bwe.

**Kyelekyesho kya bishila 11:26-28**

Talai, natulu mwabi na milwaa kumpala kwenu lelo uno. Su anukokyela milangilo ya Mwanana, Efile Mukulu enu, yinenulungula lelo uno anukekala na mwabi, su nubapele kukokyela milangilo ya Mwanana Efile Mukulu enu enukekala na milwa.

## **34 NKIPWANDJIKILE KUSOKOLA KIDISHITU**

**Fidipai 2:11**

**Na bosu bakule'shi Yesu Kidi-  
shitu nyi Nfumu ku ntumbo y'E-  
file Mukulu Yaya.**

**Mateo 10:32-33**

**Muntu ese akañakwila munkat-  
tshi mwa bantu, ami namu na-  
kamwakwila bu muntu ande ku-  
mpala kwa Yaya e mwiilu, anka  
yawa akantunu munkatshi mwa  
bantu'shi : Ntamwiuku, ami namu  
nakamutunu kumpala kwa Yaya  
e mwiilu'shi : Ntamwiuku.**

**Loma 10:9-10**

**Su okula mukanwa mwobe'shi :  
Yesu nyi Nfumwami na kuku-  
mina mwishimba dyobe'shi Efile  
Mukulu bamubushishe ku ba-**

**fwe, byabya okapanda. Mwanda  
muntu pa kukumina mwishimba  
dye, Efile Mukulu namu amubi-  
ngisha kumpala kwe, muntu ashi-  
nkamisha na kukanwa kwe n'E-  
file Mukulu namu amupasha.**

**1 Yoano 2:23**

**Nkwamba'shi yawa atunu  
Mwana kwete kutuna Yaya anka  
pamune. Yawa akumina Mwana  
akumina namu Yaya.**

**Luka 9:26**

**Su muntu e na bufu pa kute-  
muna eshina dyande na mwanda  
wande, Mwana a muntu namu  
akamumwena bufu pakafiki mu  
ntumbo ye na ya Nshye na ba-  
mwikeilu be bapatulwe ba kishila.**

## 2 Tesalonike 2:9

Yawa Mubi akafiki na mata-lwa a Satana, akakitshi bipaso byoso bya bilengyeleshi na bitu-ndwilo na myanda ya kukanya ya madimi.

## Efese 6:11

Fwalai bintu byoso bya ngoshi abinup'Efile Mukulu, byanusha-kupona ku bibembo bya Kafile-file.

## Mateo 4:1 na 10-11

Binyibyabya Kikudi ky'Efile Mukulu bakunkwisha Yesu kwe-nda mu kabaka'shi akatompibwe na Kafilefile. . . Byabya Yesu bamulungwile'shi: Katuka akwa, obe Satana! Mwanda Bifundwe

abyakula'shi: Langwila Mwana-na Efile Mukulu obe, anka e bu-penka bwe nyi odyo kufubila. Pa wawa mususa Kafilefile ba-bandjile kumuleka. Bamwikeilu abafikile kwi Yesu mu kumu-kwasha.

## Bikitshino 26:18

Nakutumu mwanda wa kuke-babula meso, byabadya kufutalaa mufito bakile kwitata, bakatukye ku matalwa a Satana, batadile kwitata kw'Efile Mukulu, mwa-nda pa kukumina kwandji aba-katambula kulekyelwa kwa mi-lwisho yabo na kupeta mbalo munkatshi mwa bapatulwe ba kishila b'Efile Mukulu.

Binyibyabya kokyelai Efile Mukulu, bindwilai Kafilefile, a-kenusuku. Efubwilei pepi n'Efile Mukulu, n'e namu akenwifubwila pepi. . . . Shake 4:7-8

**Ebelu 2:14**

Mwanda'shi bana bu byebetamina nyi mwita na mase. Yesu namwinyi balulukile kwikala byabadi, badi nabo ku mwikelo wabo wa bu muntu. Bebikitshine mwanda wa kulwisha ku lufu lwe Kafilefile, yawa sha matalwa a lufu.

**Loma 8:35 na 37**

Byabya nanyi a kwitulamuna ku kifulo kya Kidishitu? A malwa su mbishotshi, a nkubingwa-

bingwa nyi nsala, su mbulanda, a masaku nyi ndufu? . . . Anka byabya mu bino byoso twi na ngobesha ikilekile mwi yawa be-tufule kifulo.

**2 Tesalonike 2:8**

Byabya yawa Mubi akamweka. Nfumwetu Yesu akamwipaa na luwa lwa mukanwa mwe. Mbadibadi ya kufika kwe ayikalwisha yawa Mubi.

**1 Yoano 3:8**

Yawa akitaa milwisho e muntu a Kafilefile, mwanda Kafilefile balwishishe kubanga ku kibangilo. Mwana Efile Mukulu bamwekyele anka pa mwanda wa kulwisha mifubo ya Kafilefile.

# KIFULO NYI NKILESHESHO KYA MULONDJI 37

**1 Yoano 3:14**

Atwiuku'shi tubapu kukatuka ku lufu na kutwela ku muwa. Atwiuku bino mwanda twi na bakwetu kifulo. Yawa shi na kifulo ki anka mu lufu.

**1 Yoano 4:20**

Su muntu akula'shi: Nyi n'Efile Mukulu kifulo, aku ashikwa mwin'e, nyi sha madimi. Su tafulu mwin'e aamono na meso kifulo, abyabya akafulu Efile Mukulu kifulo naminyi ashi mumone na meso.

**Yoano 21:16**

Kunyima Yesu bamwipwishe dimo mususa wa kabidi'shi: Shi-

mone, mwana a Yoano, we nami kifulo su? Mpiele bamwalulwile'shi: Olo, Mwanana, weuku'shi nyi nobe kifulo. Yesu bamulungwile'shi: Lama mikoko yande.

**1 Kodinda 13:1**

Sunga neuku kwakula na ndjimi ya bantu sunga ngya bamwikeilu, su nki na kifulo, byoso byañakula mbya bisumanga. Bi anka pamune bwitumba na ñunga abyombibwa.

**Ngalatea 5:22-23**

Anka bikuba bya Kikudi nyi nkifulo, mulo, kufukama, lwishiniko, kalolo, buwa, kishima, kase-ndeleshi na butontshi bwa mbidi.

## **38 LUSANGUKILO LWA YESU KIDISHITU**

**Mako 16:9**

**Yesu basangukile mu dya lubingo ku namashika bwese, byabya bamwekyele kwibedi koso kwi Madiya a ku Mangadala, yawa abatushishe bikudi bibi musambobidi.**

**Bikitshino 10:39-41**

**Atwe twi bu tumonyi twa byoso bibakitanga mu nsenga ya Yundea na mu Yelusalema. Abamwipaile, abamubamba pa nkulusu, anka Efile Mukulu bamusangwile ku lufu p'efuku dya kasatu, bamufumbwile patoka, anka tanku bantu boso ooo, nyi kwi tumonyi tubasangwilwe kwibedi**

**n'Efile Mukulu, atwe abadile na kutoma n'e kunyima kw'e bapu kusanguka ku bafwe.**

**Yoano 20:26-28**

**Byabya kunyima kwa lubingo lumune, balondji ba Yesu abadi bebungye dimo mu nshibo, Tomase namu badi nabo. Bibi bibadi bibaibwe. Yesu bamwekyele munkatshi mwabo, bakwile'shi: Kufukama kwikale nenu! Kunyima balungwile Tomase'shi: Elanga winyi munwe wobe otale mu masa mwande, okume n'eyasa dyobe mu lubafu lwande. Obe olekye kwela mpaka, okuminegye! Tomase bamwalulwile'shi: Nfumwami, Efile Mukulu ande!**

# LUSANGUKILO NYI LUTENGYELO LWETU 39 LWA NTUMBO

**Mateo 16:21**

Kubanga pa kyakya kipindji Yesu babangile kwakula patoka kwi balondji be'shi : Bibuwa ami kwenda ku Yelusalema, nkafwambukye kwanka bikata ku masa a bakulu na batshite-bakwidi bakata na balambukishi ba bishila. Abakanyipaa, byabya p'efuku dya kasatu nakasanguka nyikale dimo na muwa.

**Yoano 5:25 na 28-29**

Nenulungula binyibinyi'shi : kipindji akifiki, takipwile na kwinyi kufika, akikapusha bafwe eyi dya Mwan' Efile Mukulu na baba abakedipusha abakekala na mu-

wa . . . Tanukanyanga byabya, mwanda kipindji a kikafiki bafwe boso be mu mashama abakapusha eyi dye. Abakatuku mu mashama, baba abakitshine bibuwa abakasanguka mwanda wa kutambula muwa, anka kwi baba abakitshine bubi abakasanguka pa mwanda wa kupishibwa.

**Loma 6:3-5**

Tanwibeukye'shi atwe boso tubabatshishibwa mwanda wa kwibungila kumune mwi Yesu Kidi-shitu twibatshishibwe n'e pamune ku lufu lwe? Byabya, mu lubatshisho lwetu, twi bu bafwe

na kushikibwa pamune na Kidi-shitu. Nyi kwamba'shi, anka pamune bu bibabushishwe ku lufu ku bukome bwa ntumbo ya Nshye, atwe namu twikale na

muwa upya. Mwanda su twibe-bungile n'e mu lufu lumune lwa-lwa lubafwile, byabya atukasa-nguka n'e pamune bu mubasa-ngukidile.

## **40 KUPATULWE KWA KISHILA KUMPALA KWA NFUMWETU**

### **1 Mpiele 1:15**

Anka nwikale bapatulwe ba kishila mu byoso byanukitshi, anka pamune bu Efile Mukulu mwinwitamine e mupatulwe a kishila.

### **2 Timote 2:21**

Su muntu etosha selele ku yino myanda yibubi, byabya akasanguywa kukita mufubo uneme

mwanda tadi mwipanyinyine kwi Nfumu e, tadi muntu akufuba euku bya kupebwa mufubo oso wibuwa.

### **1 Yoano 1:9**

Anka su atusokola milwisho yetu kw'Efile Mukulu, watudi nao ngwa kumukulupila, mwanda akitshi byoso mu kipaso kilulame. Aketulekyela milwisho na kwitutosha ku bubi boso.

# KUPATULWE KWA KISHILA KUMPALA KWA 41 NFUMWETU

## 2 Kodinda 7:1

Bakuku bande, yino milailo ibalai lwe yi kwatudi, pa wawa mwanda twitoshei ku kyakya kyoso kibiko, ku mbidi sunga ku kikudi, twinyishei byatudya kwikala balombane bu bapatulwe ba kishila, twikale atutshinyi Efile Mukulu.

## Luka 1:73-75

Mwanda batshipile mutshipo kwi nshyetu-kulu Abalahama, wakwitufungusha ku matalwa a beshikwanyani netu nakwitupa bya kumufubila kushi moo. Byatudya kwikala kwadi bu balulame na

bu bapatulwe ba kishila mu mafuku oso a muwa wetu kumpala kwe.

## Ebelu 13:12

Pa wawa mwanda nyi kibafwidile Yesu namu pasha pa kibalo mwanda wa kusula bantu na mase e namwinyi.

## 1 Mpiele 1:2

Nwi basangudibwe muile kitshibilo kibalumbulwile Efile Mukulu Yaya, byabya nwi bantu be ku Kikudi kye byanudya kukokyela Yesu Kidishitu na kutoshibwa na mase e. Bumuntu na kufukama binupebwe bibungi.

**Bikitshino 1:8**

Anka anwe anukatambula bu-kome apakafiki Kikudi-E-Selele panudi. Anukekala bu tumonyi twande. . .

**Loma 8:9**

Anka anwe ta nwi mu mbidi ooo, nwi mu Kikudi, su Kikudi ky'Efile Mukulu ki munda mwe-nu binyibinyi. Anka su muntu te na Kikudi kya Kidishitu ta ngee, ooo.

**Luka 11:13**

Anwe bebubi anwiuku byaku-pa bana benu bintu bibuwa, bya-bya kwi Nshyenu e mwiilu mbi-kunyi? Takakishakisha kupa Ki-

kudi-E-Selele kwi baba abamute-kye kyanka su?

**Bikitshino 13:52**

Anka baba balondji abashele ku Antioshe abadi baule na Kikudi-E-Selele na mulo ukata.

**Bikitshino 4:31**

Abo pa kupwa kuteka, yaya mbalo yabadi bebungile ibatenkakenene. Abo boso abaudilwe na Kikudi-E-Selele, abadi abalungula mwanda w'Efile Mukulu na mashimba anyingye.

**Esekyele 36:27**

Nankatulu kikudi kyande munda mwenu, akikenukunkusha mu milangilo yande, anukakokyela myanda yande na kwiyikita.

**Nono ya Milangwilo 34:18**

**Mwanana e pepi na bashama-shimba aenyengye, apasha be na kikudi kya kwipelesha.**

**Esaya 66:2**

**Mwanana akula'shi: abya bintu byoso bibapangibwe n'eyasyandyande, bibamwekyeshwe anka byabya anka'mi nankatala kwi muntu e na malwa, e na kikudi kya kwipelesha asusu pa mwanda w'eyi dyande (mwanda wande).**

**1 Mpiele 4:12-13**

**Bakuku bande, tanukanyangai pa mwanda wa kutompibwa kwibukopo kwanukwete kutompibwa bu kintu kyenye kibamweka kwa-**

**nudi ooo. Anka nwikale na kusepela mwanda anutambula kipindji kya kufwambuka kwa Kidishitu, byanudya kuushibwa na mulo pa kufumbulwa kwa ntumbo ye.**

**Nono ya Milangwilo 37:3**

**Okulupile mwi Mwanana, okite myanda yibuwa byabya okashala mu nsenga, na kudya bintu bineme.**

**Kibafumbwilwe 21:4**

**Akebakumuna mpolo yoso i ku meso kwabo, takukekala nyi lufu, sunga malo, sunga nkudila mpolo, sunga mitanyo ooo, mwanda bintu bya kala abikashimina.**

**Nono ya Milangwilo 34:19**

Bantu balulame be na malwa ebungi, anka Mwanana ebapasha ku malwa abo oso.

**Esaya 43:2**

Pokila munkatshi mwa mema, nankekala n'obe, pokila mu misulo, mema taakakila pa mutwe obe, pokindakana mu kalo, takakupi sunga ndjimi ya kalo taikashiki mbidi.

**1 Kodinda 10:13**

Takwi kutompibwa kwinufikile kushafikile kwi bantu boso. Efile Mukulu nga kishima mu milailo. Takakumina'shi nutompibwe ku-

kila kipimo kya bukome bwenu, ooo. Anka mu kipindji akikenufikila kutompibwa, akenupa bukome bwa kukambila na kwinulumbulwila eshinda dyanudya kutuka mwanka.

**Loma 8:28**

Atwiuku'shi Efile Mukulu afubaa mu bintu byoso mwanda wa buwa bwa baba be n'e kifulo, baba babaitamine muile kukyeba kweshimba dye.

**Ebelu 2:18**

Binobino euku kukwasha baba batompibwe, mwanda e namwinyi batompelwe na kufwambuka.

**Kibafumbwilwe 2:7**

**Yawa ese e na matwi akupusha, apushe kalolo byabya abyakula Kikudi kwi bipwilo! Baba boso abakashindji nakebapa matalwa a kudya kikuba kya ku mutshi wa muwa wi mu Mpaladisa mw'Efile Mukulu.**

**Kibafumbwilwe 3:12**

**Yawa akakambila nakamwika-sha bu kibayi mu nshibo y'Efile Mukulu ande, takatuku mwanka ooo. Nakafundu nyi padi eshina dy'Efile Mukulu ande, n'eshina dya kibalo ky'Efile Mukulu ande, Yelusalema mupya akaiki mwiilu kwi Efile Mukulu ande. Nakafu-**

**ndu nyi padi eshina dipya dya-ndji nadyo.**

**Kibafumbwilwe 3:5**

**Baba abakashindji abakafwala namu pamune bitoka, tankashimi mashin' abo ku mukanda wa muwa ooo. Nakakula kumpala kwa Yaya na kumpala kwa bamwikeilu be'shi bano nyi mbantu bande.**

**Kibafumbwilwe 3:21**

**Kwi baba abakashindji nakebapa matalwa a kushala pepi nami pa lupuna-nsulu lwande, anka pamune bu munashindjile'mi, nyi mushale pepi na Yaya pa lupuna-nsulu lwe.**

## **46 EFILE MUKULU ETULUNGULA PA MWANDA WA KUTSHIBA KWA LUBAMBO**

**1 Kodinda 7:10-11**

**Kwi bena Kidishitu beibakishene, nebapa dino ekoma (adyo tandyande ooo, nyi ndjya Mwanaana). Mwana mukashi mwibakilwe tamupwandjikile kutuka kwi mulunda e, su batuku ashale bukupi, su baktwa byabya alombane na mulunda e. Na mulume namu tapelanga mukashi e.**

**Loma 7:2-3**

**Pamune bu mwana mukashi mwibakilwe mulamibwe ku Mukanda wa bishila kwi mulunda e paki na muwa, anka su mulume bafu, byabya muposolwe ku kya-**

**kya kishila kyebambo. Su akatwela kwi mungi mulume paki mulunda e na muwa, byabya akatemunwa bu sha lusandji. Anka su mulund'e bafu, e tadi muluñantu ku kyakya kishila. Papa su atwela kwi mungi mulume, byabya tamukite lusandji ooo.**

**Mateo 5:32**

**Anka ami nenulungula'shi mutu ese akupela mukashi, kushi pa mwanda wa lusandji, e bu bamwikasha bu sha lusandji su bakatwela kwi mungi na yawa amwata namu bakitshi lusandji.**

**Shake 5:8**

Nanwe namu, nwikalei na lwi-shinko. Nyishai mashimb'enu, mwanda kufika kwa Mwanana takudi pepi.

**Mateo 24:27**

Mwanda anka bu amupenyenaa lupete lwa mpeshi ku lupese lumune lweilu lwa kutunduka nguba mpaa na kupona nguba namu anka pamune na kufika kwa Mwana a muntu namu akukekala anka byabya.

**Mako 8:38**

Su muntu e na bufu pa kute-muna eshina dyande na mwanda wande munkatshi mwa kino kipungilo kya bantu bebubi bela-

mune kw'Efile Mukulu, Mwana a muntu namu akamumwena bufu patakafiki mu ntumbo ya Nshye na bamwikeilu be bapatulwe ba kishila.

**Kibafumbwilwe 3:11**

Nakyebe kufika binobino. Kwatshidila kyakya kyodi nakyo anka poo kutshina'shi tala muntu akakwata bwedi bwa ngobeshe yobe.

**Yoano 14:3**

Kunyima kwa ami bapu kwen-da mu kwitulumbulwila mbalo, nakaluka dimo mu kwintwata mwanda wa kwamba'shi nukekale nami kwakwa kwandji mwikale.

**Kibafumbwilwe 16:15**

Pusha, nakafiki bu ngifi! Mwabi kwi yawa mupasukye na kulama bilamba bye, kupela tala akennda muswa, afwakamono bufu munkatshi mwa bantu.

**1 Yoano 3:2**

Bakuku bande, binobino twi bana b'Efile Mukulu, anka binyi byatukekala tamba bande kufumbulwa ooo. Sunga mbyabya, atwiuku bino'shi: apakamweka Kidishitu atukamwifwana, mwanda atukamumono byadi mwikale.

**Bikitshino 1:11**

Abebepwishe'shi: Anwe bena Ngadilee, mwanda kinyi wanube-

mena kutala mwiilu? Uno Yesu beboshwa munkatshi mwenu kwenda mwiilu, akaluka dimo anka mu kyakya kipaso kya nubamumono ende mwiilu.

**Mateo 16:27**

Binyibinyi Mwana a muntu akafiki mu ntumbo ya Nshye na bamwikeilu be, akafutu muntu ese mupunda byadi mukite.

**Luka 21:27**

Binyibyabya abakamono Mwana a muntu afiki mwikumbi na bukome bukata na ntumbo.

**Luka 12:40**

Anwe namu ikalai belumbule, mwanda Mwana a muntu akafiki pa nsa yanusha nutentekyesha.

## MWANDA W'EFILE MUKULU

Napu kufwamisha mwanda obe mwishimba dyande tankakitshi milwisho kodi.

—Nono ya Milangwilo 119:11

Eilu na nsenga abikashimina, anka myanda yande taikashimina sunga mpapelapela.

—Luka 21:33

Yesu bebalulwile'shi: Anulubu mwanda tanwiuku sunga mBifundwe, sunga mbukome bw'Efile Mukulu.

—Mateo 22:29

Mwanda Bifundwe byoso mbi-  
pebwe n'Efile Mukulu, abiuku  
kufubibwa mu kulambukisha

bya binyibinyi, na kupela nda-  
mbukisho ya madimi na kuludika  
bilubilo na kulesha bya kwikala  
na mwikelo wibuwa ululame.

—2 Timote 3:16

Mwanda obe nyi elampi ku  
ngwa yande, n'etata kwishinda  
dyande.

—Nono ya Milangwilo 119:105

Mwanda takwi lutemuko sunga  
ndumune lutukye kukyakikyeye  
eshimba dya muntu ooo, nyi  
nKikudi-E-Selele badi kwete  
kukunkusha bantu abakwile  
byabya abifiki kwi Efile Mukulu.

—2 Mpiele 1:21

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

**World Missionary Press, PO Box 120, New Paris, IN 46553-0120 USA**



Read booklets online or by App  
[www.wmp-readonline.org](http://www.wmp-readonline.org)